

ODLUKA br. 2/2024
ZAJEDNIČKOG ODBORA REGIONALNE
KONVENCIJE O PAN-EVRO-MEDITERANSKIM
PREFERENCIJALNIM PRAVILIMA O PORIJEKLU
ROBE

od 12. decembra 2024. godine
o izmjenama i dopunama Odluke br. 1/2023 Zajedničkog
odbora kako bi se uključile prelazne odredbe u izmjenama i
dopunama Regionalne konvencije o pan-evro-
mediteranskim preferencijalnim pravilima o porijeklu robe
koje će se primjenjivati od 1. januara 2025. godine

ZAJEDNIČKI ODBOR,

Uzimajući u obzir Regionalnu konvenciju o pan-evro-mediteranskim preferencijalnim pravilima o porijeklu robe¹, a posebno njen član 4. stav (1) i član 4. stav (3) tačka (a), budući da:

(1) Ugovorne strane Regionalne konvencije o pan-evro-mediteranskim preferencijalnim pravilima o porijeklu robe ("Konvencija") su saglasne vezano za izmjene i dopune Konvencije kako bi se osigurao novi skup moderniziranih i fleksibilnijih pravila o porijeklu. Odluka br. 1/2023² Zajedničkog odbora o izmjenama i dopunama Konvencije, koja utvrđuje revidirana pravila o porijeklu, usvojena je 7. decembra 2023. godine i stupa na snagu 1. januara 2025. godine ("revidirana pravila Konvencije").

(2) Ugovorne strane su saglasne da su prelazne odredbe potrebne kako bi se pojasnio preferencijalni tretman koji se daje za robu izvezenu iz ugovorne strane prije stupanja na snagu revidiranih pravila Konvencije i nakon toga uvezenu u drugu ugovornu stranu nakon stupanja na snagu tih pravila.

(3) Dokaze o porijeklu koji su izdati ili sačinjeni prije 1. januara 2025. godine u ugovornoj strani u skladu s pravilima za opcionu primjenu Konvencije do zaključenja i stupanja na snagu izmjene i dopune Konvencije treba prihvatiti za preferencijalni tretman pri uvozu nakon 1. januara 2025. godine.

(4) Dokaze o porijeklu koji su izdati ili sačinjeni u skladu s Prilogom I Konvencije ili izdati u skladu s protokolima koji se odnose na definiciju pojma "proizvodi s porijeklom" i metode administrativne saradnje koji prethode Konvenciji prije datuma stupanja na snagu izmjene i dopune bilateralnih protokola između ugovornih strana kako bi se uključilo pozivanje na Konvenciju koja je zadnje izmijenjena, treba prihvatiti za preferencijalni tretman pri uvozu nakon tog datuma.

(5) Neke od ugovornih strana navele su da neće biti u poziciji da ažuriraju svoje bilateralne protokole o pravilima o porijeklu s pozivanjem na Konvenciju kako je zadnje izmijenjena, prije 1. januara 2025. godine, zbog dužine njihovih unutrašnjih procedura.

(6) Kašnjenje nekih ugovornih strana u ažuriranju bilateralnih protokola s pozivanjem na Konvenciju kako je zadnje izmijenjena i dopunjena moglo bi dovesti do narušavanja trenutnih mogućnosti kumulacije.

(7) Ugovorne strane su saglasne da su prelazne odredbe potrebne za očuvanje trgovinskih tokova na osnovu trenutnih mogućnosti kumulacije, do završetka procesa usklađivanja svih bilateralnih protokola s pozivanjem na Konvenciju kako je

zadnje izmijenjena. Prilog I Konvenciji koji je bio primjenjiv prije izmjena i dopuna uvedenih Odlukom br. 1/2023 Zajedničkog odbora, trebao bi se primjenjivati prelazno između ugovornih strana Konvencije uporedo s revidiranim pravilima Konvencije i kumulacija bi trebala biti dopuštena između različitih skupova pravila kada je to moguće.

(8) Ugovorne strane su saglasne da su prelazne odredbe tehničke prirode i da ih treba primijeniti što je prije moguće. Gdje je to moguće prema unutrašnjem zakonodavstvu ugovornih strana, treba osigurati njihovu privremenu primjenu.

(9) Ugovorne strane su saglasne da izmjene i dopune Odluku br. 1/2023 Zajedničkog odbora kako bi se u revidiranu Konvenciju uključile prelazne odredbe koje se primjenjuju u periodu od jedne godine od stupanja na snagu revidirane Konvencije, naime u periodu od 01. januara do 31. decembra 2025. godine.

(10) Svaka ugovorna strana će preduzeti odgovarajuće mjere kako bi osigurala da se revidirana pravila Konvencije efektivno primjenjuju usklađivanjem bilateralnih protokola s pozivanjem na Konvenciju kako je zadnje izmijenjena i dopunjena do 31. decembra 2025. godine,

DONIO JE OVU ODLUKU:

Član 1.

1. Odluka br. 1/2023 mijenja se i dopunjuje kako je navedeno u Aneksu ove Odluke.

2. Izmjene i dopune Odluke br. 1/2023 stupaju na snagu 1. januara 2025. godine.

Član 2.

Ova odluka stupa na snagu danom donošenja.

Sačinjeno u Briselu, 12. decembar 2024. godine

Za Zajednički odbor

Predsjedavajuća

Maria Isabel Garcia Catalan

ANEKS

Jedini član

Izmjene i dopune Odluke br. 1/2023 Zajedničkog odbora
Regionalne konvencije o pan-evro-mediteranskim
preferencijalnim pravilima o porijeklu robe

U Odluci br. 1/2023 Zajedničkog odbora Regionalne konvencije o pan-evro-mediteranskim preferencijalnim pravilima o porijeklu robe od 7. decembra 2023. godine o izmjenama i dopunama Regionalne konvencije o pan-evro-mediteranskim preferencijalnim pravilima o porijeklu robe, jedini član tog Aneksa mijenja se i dopunjuje kako slijedi:

1. u tački (5), dodaje se slijedeći član u Prilogu I:

"Član 42.

Prelazne odredbe

1. Prilog I Konvencije kako je objavljen u "Službenom listu Evropske unije", broj L 54/4 od 26. februara 2013. godine primjenjivat će se između ugovornih strana Konvencije do 31. decembra 2025. godine paralelno s ovim Prilogom.

2. Dokazi o porijeklu izdati ili sačinjeni prije 1. januara 2025. godine u skladu s pravilima o opcionalnoj primjeni Konvencije do zaključenja i stupanja na snagu izmjena i dopuna Konvencije ("prelazna pravila o porijeklu") i podnijeti nakon tog datuma, u periodu njihovog važenja, prihvataju se za preferencijalni tretman pri uvozu za robu koja je 1. januara 2025. godine u provozu ili stavljena u poseban postupak pod carinskim nadzorom. Ta se roba može koristiti za kumulaciju kako je predviđeno članom 7.

¹ Službeni list Evropske unije, broj L 54, 26.2.2013., str. 4.

² Službeni list Evropske unije, broj L 2024/390, 19.2.2024, ELI: <https://eur-lex.europa.eu/eli/dec/2024/390/oj>.

3. U slučaju zakašnjelog podnošenja dokaza o porijeklu izdatih ili sačinjenih prije 1. januara 2025. godine u skladu s prelaznim pravilima o porijeklu, na robu iz stava 2. ovoga člana primjenjuje se član 23. stavovi (2) i (3).

4. Dokazi o porijeklu izdati ili sačinjeni u skladu s Prilogom I Konvencije kako je objavljeno u "Službenom listu Evropske unije", broj L 54/4, od 26. februara 2013. godine, ili izdati u skladu s pravilima o porijeklu sadržanim u protokolima koji prethode Konvenciji prije datuma stupanja na snagu izmjene i dopune bilateralnih protokola između ugovornih strana koje uključuju pozivanje na Konvenciju kako je zadnje izmijenjena i dopunjena, i podnijeti nakon tog datuma, bit će prihvaćeni unutar njihovog perioda važenja za preferencijalni tretman pri uvozu za robu koja je na taj datum ili u provozu ili za koju se primjenjuje poseban postupak pod carinskim nadzorom. U slučaju zakašnjelog podnošenja dokaza primjenjivat će se član 23. stavovi (2) i (3).

5. Dokazi o porijeklu izdati ili sačinjeni prije 1. januara 2026. godine u skladu sa stavom (1) ili u skladu s pravilima o porijeklu sadržanim u protokolima koji prethode Konvenciji i podneseni nakon tog datuma unutar perioda važenja, bit će prihvaćeni za preferencijalni tretman pri uvozu za robu koja je 1. januara 2026. godine u provozu ili za koju se primjenjuje poseban postupak pod carinskim nadzorom. U slučaju zakašnjelog podnošenja takvih dokaza primjenjivat će se član 23. stavovi (2) i (3).

6. U svrhu provjere, član 33. stav (2), član 34. i, prema potrebi, član 35. također se primjenjuju na dokaze o porijeklu izdate ili sačinjene u skladu s prelaznim pravilima o porijeklu i dokaze o porijeklu izdate ili sačinjene u skladu s protokolima koji prethode Konvenciji primjenjivoj prije 1. januara 2025. godine.

7. U svrhu provjere, član 33. stav (2) i član 34. također se primjenjuju ako je zahtjev za provjeru podnesen nakon 1. januara 2026. godine ili nakon datuma stupanja na snagu izmjena i dopuna bilateralnih protokola između ugovornih strana kako bi se uključilo pozivanje na Konvenciju kako je zadnje izmijenjena, za dokaze o porijeklu izdate ili sačinjene u

skladu s Prilogom I Konvencije kako je objavljeno u "Službenom listu Evropske unije", broj L 54/4, od 26. februara 2013. godine i protokolima koji prethode Konvenciji.

8. Ugovorne strane obavještavaju jedna drugu, svaka četiri mjeseca, putem Evropske komisije o trenutnom stanju ažuriranja svojih bilateralnih protokola kako bi uključili pozivanje na Konvenciju kako je zadnje izmijenjena i dopunjena, i preduzetim mjerama kako bi se osiguralo da se pravila Konvencije kako je izmijenjena i dopunjena Odlukom br. 1/2023 Zajedničkog odbora efektivno primjenjuju od 1. januara 2026. godine.

9. Uvjerenja o kretanju robe EUR.1 izdata u skladu s ovim Prilogom sadržavat će izjavu na engleskom jeziku "REVISED RULES" u polju 7. Ova se izjava također dodaje na kraju teksta izjave o porijeklu koja se sačinjava u skladu s ovim Prilogom. Izjava će biti uključena u dokaze o porijeklu do 31. decembra 2025. godine.";

2. u tački (5), slijedeći stav dodaje se u članu 8. u Prilogu I.

"1a. Kumulacija predviđena članom 7. može se primijeniti na robu razvrstanu u Glave 1., 3., 16. (za prerađene proizvode ribarstva) i od 25. do 97. Harmoniziranog sistema koja je stekla status proizvoda s porijeklom primjenom pravila o porijeklu uključena u član 42. stav (1) i relevantne odredbe Priloga II, kao i primjenom pravila o porijeklu uključenih u protokole koji se odnose na definiciju koncepta "proizvoda s porijeklom" i metode administrativne saradnje koja je prethodila Konvenciji pod uvjetom da su materijali i proizvodi porijeklom iz ugovornih strana za koje je moguća kumulacija, kao što je navedeno u "Obavijesti Komisije o primjeni Regionalne konvencije o pan-evro-mediteranskim preferencijalnim pravilima o porijeklu robe ili protokola o pravilima o porijeklu koji predviđaju dijagonalnu kumulaciju između ugovornih strana ove Konvencije", kako je posljednji put objavljeno u Službenom listu Evropske unije.

Ovaj se stav primjenjuje tokom perioda predviđenog u članu 31. stavu (1) na robu obuhvaćenu dokazima o porijeklu navedenim u članu 42. stavovi (4) i (5)."